

建德縣志卷之八

武備志

營汛

池州營駐防建德 把總一員 外委把總一員

建德縣汛馬兵四名今裁 步兵三十二名雍正八年裁八名乾

隆四十年調一名入池州營嘉慶十九年裁二名仍二十一名同

治三年肅清仍設把總一員外委一員汛兵二十四名光緒二十

九年裁撤外委一員同治八年調撥汛兵八名歸皖南新兵營光

緒二十三年裁汛兵一名二十四年裁汛兵二名二十九年裁汛

建德縣志

卷之八

武備
營汛

一

兵九名三十四年調汛兵一名歸鎮營伺差現存把總一員汛兵
三名

縣治東六十里良禾汛步兵十四名乾隆九年調五名入殷家滙

嘉慶十四年裁四名仍五名

縣治南一百里昭潭汛步兵十三名乾隆九年調四名入五溪汛

嘉慶十四年裁四名仍五名 共弓箭七名鳥鎗二十三名字識

一名軍裝器械俱全

縣民狀二十名 永豐司巡檢弓兵十二名

驛傳

堯城驛

棚廠在縣治後嘉慶九年知縣田均晉題額堯城古驛

原設差馬二十四匹康熙五年裁五匹乾隆二十四年裁五匹五十

四年裁五匹現存差馬五匹連閏歲共支給草料銀一百十七兩

原設馬夫十六名康熙五年裁四名雍正十年裁二名乾隆二十

四年裁三名五十四年裁三名現存馬夫四名連閏歲共給工食

銀三十一兩二錢

原設差夫十八名康熙五年裁八名現存差夫十名連閏歲共支

給工食銀七十八兩

建德縣志

卷之八

武備
驛傳

二

每年倒斃馬二匹共支給馬價銀二十七兩九錢四分

每年添置槽鑿鍋刀鞍轡等項共支銀七兩零九分九釐二毫

以上共支給銀二百六十一兩二錢三分九釐二毫現存支銀七

百四十兩五錢五分

除實支連閏銀二百六十一兩二錢三分九釐二毫剩銀四百七

十九兩三錢一分零八毫批解司庫

舖遞

縣前總舖分南北二路

縣前舖南

十里至

黃泥岡舖

十里至

陽田舖

十里至

黃蘗舖

十

里至

小梅舖

十里至

政坑舖

十里至

闡揚舖

十里至

遶山舖

十

里至 西陽鋪十里至 青居鋪十里至 前溪鋪十里至 木田鋪達

江西之鄱陽按木田鋪府志誤作衣田鋪

縣前鋪北十里至 茅亭鋪十里至 厯山鋪十里至 相望鋪達東

流石潭鋪水驛無

池州在前明為南畿近地上接楚豫下達吳會文書旁午不絕於道故青陽貴池設馬至八九十匹馬夫至三四百名之多建德東流僅通浮鄱彭諸邑非若貴青孔道自嘉靖中饒州進御瓷取道於此故所設夫馬合兩邑而一之天啓崇禎間天下多故差役繁興馬戶不堪其累逃亡者夥有司為改里正承之里正不能練習

建德縣志

卷之八

武備驛傳

三

仍雇馬夫司其事差至則責里正供應馬斃則責里正買償重為民累

國朝順治八年操撫李公曰茲始下令以官錢易官馬以官馬應官差芻秣有不敷者則以贖緩及餘羨置買馬田收其租以給用仍照民田按額輸賦由是民無官馬之累合邑立碑以頌其德焉

馬田

一買城東門外一里土名官田坂魯滿元洪圖晃江一經徐致懸等田六十五號計弓田五十九畝七分一釐九毫七忽價銀二百七十兩二錢五分四釐額租稻一百二十二担八斗七升

一買城南門外三里土名堯渡河西坂鄭天進劉應叢胡官鄭五
等田五十五號計弓田七十五畝一分六釐四毫三絲八忽六微
價銀三百二十八兩九錢一分額租稻一百四十九担五斗

碑記

江南諸郡其財賦視域中頗饒年來兵荒頻仍力役苦繁亦視域中獨甚如吾建邑
地狹土瘠素不當子午道蓋自

新朝定鼎來人思率土之誼羣切從王之願但多有不善承上意者郵符苛索用馬每
溢於額且胥吏等視差馬爲奇貨需素無已鞭箠不休此時責之馬戶則苦於坐名
包攬責之里長則苦於水草歲加是闔邑之民受此勞苦萬狀雖日夜焦思求甦活
之策計無所出使此時早有一愛養斯民者民久不私此頂踵矣何幸天意猶眷茲
土遂蒙

欽命操撫部院李溥休息之恩興利除害洞燭幽遐不遺下邑乃釐定夫馬數目馬屬
官養應付有式遐邇奉法隨蒙發節省正額官銀五百九十九兩一錢七分四釐檄
本府糧廳金同縣主孫平買腴田一百三十四畝八分八釐四毫二微五纖額租稻

建德縣志

卷之八

武備
馬田

四

二百七十二担三斗七升坐落東門外官田坂堯城渡河西坂二處歲供養馬芻料
通邑歡忭感激咸謂吾儕小民久困騷駘肢體已憊矧輸粟養馬職業應然今荷上
台仁心區畫既不使百姓任養馬之勞又不使百姓有養馬之費迴視昔之役繁馬
倒其爲利爲害何如哉是以邑中百姓一聞此諭歡呼之聲徧於九里爭出腴田以
造子孫長久之福又田得時價價皆足色以此觀之民盡受價輸田而養馬之累遂
世世永杜矣凡此非吾部院李公洞悉民艱當不及此而又幸縣主孫仰體上意去
害惟恐不速興利惟恐不久其恃賴又何窮歟故士民僉議勒石示以永遵以爲不
如是不知前此之艱苦備嘗不如是不知此日之恩膏奚自也敬鐫里語用誌謳思
俾採風者
入告焉

一續買城南三十五里土名檀陂坂檀芳齡李義徐坤等田四十
七號計弓田三十七畝四分六釐四毫九絲八忽八微價銀一
百六十四兩八錢四分五釐九毫額租稻七十四担九斗二升
九合九勺八抄

一續買城東三十里土名高湖坂劉九女傅佑李順等田五十九號計弓田八十四畝四分七釐七毫四絲六忽二微二塵價銀三百七十一兩七錢八毫額租稻一百六十八担九斗五升五合

一續買城東三十五里土名葛公鎮吳相檀五鄭俊之等田七十二號計弓田五十九畝九分四釐四毫三絲價銀二百六十三兩七錢五分四釐八毫額租稻一百一十九担八斗八升八合五勺四抄八撮

續購官田養馬碑記

建德縣志

卷之八

武備
馬田

五

建邑叢爾山陬地土磽窄役力艱苦較其他邑年來路當孔道里役養馬郵使厲民幾不堪命幸蒙操撫部院李洞悉民隱興利除害置養馬之官田備芻料之飼牧永杜苛索嚴革私幫蒙頒發節省正額官銀六百兩檄本府糧廳金同縣主孫買土名官田坂河西坂二處腴田共一百三十四畝八分八釐零額租稻二百七十二担三斗七升歲供馬匹牧養由是士民爭相樂輸咸誦恩普下邑德被無疆矣然部院之心猶恐弗周展轉思慮計建東兩縣接壤其牧養之馬可更應付如水涸則之東流水漲則之建德往來交遞芻牧殷繁所置田租似覺無幾有不能敷一歲之需復蒙頒發節省正額官銀八百兩零三錢再購官田備足馬用續命本府江防廳王同縣主孫會集紳衿人等酌議履畝探勘土名高湖坂葛公鎮檀陂坂三處照時值價紋銀平買腴田一百八十一畝八分八釐六毫七絲二忽四微二塵共計額租稻三百六十三担七斗七升湊給養馬芻料以防歲支不足則利可永興害可永除矣一時遐邇爭輸較前尤甚共慶各上台痾瘵在念區畫周詳俾歲足養馬之供廩無竭澤之患良法美意不於斯大備也哉詩曰民亦勞止汽可小康建之奕世蒙庥有非謳思所能罄者因並附欵勒石庶後之依賴者無忘所自焉

款約

一官田界區瑕內具係毗連四至恐防外侵鑄正界石以杜欺占

一官田納租弊竇叢生今在官另置倉廩每遇秋成佃戶當官面納務要乾潔解官較量悉照額數不得苛求給印票據

一田賦應納地畝徧折漕南安米料豆悉照每年則例出於租稻之內俱係官納不累佃戶

以上二次共買弓田三百一十六畝七分七釐七絲四忽一

微七塵

共價銀一千三百九十九兩四錢七分五釐五毫

共額租稻六百三十六担一斗四升三合五勺

部院明文

建德縣志

卷之八

武備
馬田

六

乾隆二年二月二十八日兵部爲備陳馬稻田租情形仰祈

睿鑒事據安慶巡撫趙咨稱順治八年前任撫臣李日芄以各屬差馬向係着令里糧

承養又募馬戶代充勒索幫貼私派私收累民實甚公道府州縣各官酌議將順

治六七年官馬變價銀兩照州縣衝僻分發買田以爲養馬之費後於康熙十六年

酌定每年完納編糧支給夫役工食外仍多餘存歲底變價報部充餉再查此項官

由據池州府申送所屬青陽等四縣馬田冊內俱經刊載置買緣由併備列條約內

有遇歲歉照例從公議減之語是從前原係歲豐額收歲歉減少歷歷可稽臣請嗣

後豐年仍照額收租外若遇歲歉卽着印官查照該村民田收成分數酌量減收毋

使小民終年勤動完租不足致有賠累之苦等語應如該撫趙所請將前項馬田嗣

後除豐年照額收租支給夫馬夫工食及完納錢糧修理住房外其餘稻石仍照

例造冊送部查核倘遇年歲稍歉卽令各該州縣查照該村民田收成分數酌量減

收取具該州縣切實印結各府加具保結送部仍將歉收情由入于驛站奏銷案內

聲明便查乾隆二年九月十七日題本月十九日奉

旨依議合咨前去欽遵查照施行

馬稻減價碑文

署建德縣正堂蕭 爲定章勒石曉諭事照得建邑各阪馬田向係官產民佃徵收租稻以爲驛站支用餘稻折銀批解例應

八月開徵九月全完不容蒂欠自倉廩燬弁改徵折色同治年間折數不一光緒初每石折收一千一百三十文外加上房一切費用錢五百四十文嗣經曾前縣議定

自光緒十二年起每石減收正價一千二百文每畝減收一切費用錢四百二十文
具詳立案本縣到任該佃頭等猶以苦累難堪懇復舊章等情具稟竊思現在徵收
馬稻正價費用俱已酌減承辦書差尙須開銷上房紙飯交代豁免等費所收正價
凡解費房費委員費一切雜費爲數頗鉅絕少盈餘惟念小民終歲勤勞升合顆粒
盡屬脂膏自宜格外體卹以紓民力茲特明定章程自光緒十五年起每石再減正
價一百文每畝公費再減一百二十文至各阪佃頭有經管催租之責自應酌貼錢
文以免枵腹誠恐未及週知合行開列章程出示曉諭爲此示仰各坂馬田佃頭佃
戶人等知悉嗣後務將應完稻穀遵照此次定章依限如數折完應交公費隨正交
納不准絲毫短少隨完隨給串票毫無留難阻滯倘有書差格外需索許該佃頭佃
戶指名稟究此係本縣悉心籌畫不肯累及小民其各仰體力行爭先踴躍完納勿
再觀望自干咎
戾切切特示

章程開列於後

一五阪每年佃戶所種田畝穀石多寡定期七月初旬由各阪佃
頭自行查開清單送交經書核對以便造串而杜舛錯

建德縣志

卷之八

武備
馬田

七

一馬稻租穀例應八九兩月掃數清納今念該佃等變價稍需時
日酌定以八九十三個月掃數全完若再有延欠除隨時提追
外定以十一月初十日起每石加罰錢二百文隨價並收倘敢
逾年未完者每石再罰錢二百文合錢四百文作充公用
一此次減定以後每年徵收數目悉照年成豐歉爲定每石實收
正價足錢一千一百文每畝隨收司府縣房及縣一切飯食紙
張足錢三百文其餘繳冊費催冊費折席費差催費一律革除
永遠不准收取惟每年每畝秋成詳定應徵數目必須告示各
阪方得週知現定差送告示到阪酌給錢二百文不准多取此

外如有逾限不完一經票提差之飯食應由該欠戶酌給

一五阪佃頭應由各阪公舉勤慎無私各一名爲之總或定三年一輪專司各佃戶更遷及開冊送縣督催租穀等事自應由各阪各佃按畝酌給錢四十文准由該佃頭向各佃按畝取收毋許絲毫多索

兵事

後漢興平四年孫策討石城等六縣山賊

建安四年孫策擊黃祖徇豫章下之

二十一年鄱陽賊尤突亂孫權遣賀齊陸遜討平之晉孝愍帝建

建德縣志

卷之八

武備
兵事

八

興四年十月荊州刺史陶侃討杜弢之黨於石城戰敗

唐代宗永泰元年池州刺史李芄討宣饒劇賊陳莊等

憲宗元和二年鎮海軍節度使李錡反分遣兵馬使張子良田少

卿下宣歙池諸州子良尋執錡降

僖宗乾符四年賊王仙芝之黨屠至德縣宣歙觀察使王凝遣別將討之

五年黃巢陷宣歙池三州

按新唐書王仙芝與黃巢同時作亂先分後合起於唐僖宗乾符元年至五年始滅曾於乾符三年十月遣將徐君苜陷洪州又擾宣潤建德屠城當在是年又考新唐書黃巢曾陷婺二州又取宣州又殘宣歙等十五州又破虔吉饒信等州建德居宣饒之中地當衝途未必獨免兵禍舊志疏略未詳

中和四年劉迺率八百餘人由至德縣陟櫟根嶺入祁門鄭傳籟衆攻之

宋太祖開寶七年閏月曹翰克池州

高宗紹興四年金人圍廬州詔舒蘄制置使岳飛自鄂州出師池

州是歲沈晦請令鎮江建康太平池鄂沿江五郡各蓄兵一二萬以舟師守江步兵守隘而以本郡財賦易官田給之

開禧三年有寇犯建德邑人葉諒率衆禦之中流矢死寇退

按縣舊志稱是年金人犯縣府志以爲宋史開禧三年無北兵當是土寇今按金史泰和七年亦無南下之事

嘉定十七年池陽當塗諸縣所在寇起兵卒多逃亡入城者官不能禁

建德縣志

卷之八

武備
兵事

九

理宗嘉熙四年蒙古分道南來荆鄂都統制張順以兵援安慶池州

宋瀛國公德祐元年二月庚戌元兵入池州權守趙昴發自經死

元至正十一年天完徐壽即徐真一將趙普勝據池州諸邑江西行省

平章員外星吉赴任江州路過池陽募軍三千直趨銅陵克之又

破賊於白馬灣賊抵白眉又大敗之賊盡殪擒其渠魁周驢遂復

池州乃命諸將分道討賊復石碛諸縣

十二年徐壽輝又據池州江浙行省平章卜顏鐵木兒討之擒其

賊帥遂分遣萬戶普賢奴王建中等屯各邑要地

十三年三月徐壽輝復來攻池州衆且十萬諸縣皆應之卜顏鐵木兒會諸將乘其新至築壘未成分番與戰大敗之諸邑復平

按縣舊志引陶宗儀輟耕錄云至正年淮陰人葉公政從平章某破池之諸縣及建德渠盜徐眞一今按輟耕錄云葉公政爲卜顏平章浙西幕史嘗從平章克池之諸縣破蘭溪渠盜徐眞一又元史卜顏鐵木兒傳云至正十三年三月賊衆來攻池州衆且十萬諸縣應之卜顏鐵木兒會諸將乘其新至築壘未成分悉與之戰大敗之諸邑復平七月進兵攻蘄州擒其僞帥鄒普泰遂攻道士汛焚其柵抵蘭溪口
按道士汛至蘭溪口六十里俱屬黃州府境
賊之巢曰黃連砦又克而殲之是蘭溪乃黃州府蘄水縣之蘭溪驛眞一係羅田人與蘄水相近故稱曰蘭溪渠盜也縣舊志既失其年復佚平章之名并以黃州蘭溪作爲建德殊乏援据府志載此事於十二年亦誤

十八年十二月天完將趙普勝由安慶引兵攻陷建德

按明史陳友諒傳是年趙普勝爲友諒守安慶數引兵爭池州太平往來掠境上自後池州諸縣數被吳及僞國天完漢兵陷復無常

十九年徐壽輝復遣趙普勝寇池州諸縣

建德縣志

卷之八

武備
兵事

十

二十年八月吳裨將劉謙下建德以僞將羅友賢歸

二十一年吳元帥朱文輝及饒州降將余椿引兵次建德

二十二年十月降將羅友賢據建德神山寨叛謀與張士誠通十

一月常遇春等討平之斬友賢

明思宗崇禎元年十二月有賊數十人自浮梁至建德掠東南各村典史陳涵率鄉兵禦之死者數人賊由貴陽去旋伏誅

十六年二月蘄州守將王允成倡亂收賊白貴等假竊左軍爲先

驅破建德劫池陽

按縣舊志載十六年二月初五日湖廣總兵左良玉兵潰至建德知縣李際明率士民守禦時西南關廂居民大被殺掠四月左良玉兵在雁汊掠糧至邑之查柵橋殺

邑兵壯數人邑人都司彭起濟率鄉兵三十人往斃其一騎而還府志稱是年知縣李際明固守城獲全今按明史左良玉傳及綏寇紀略寄園寄所寄諸書十六年正月十六日左良玉避賊東下是時漢陽以下諸降將叛卒所在蜂起竊假左軍號恣剽掠蘄州守將王允成爲亂首良玉中軍未達小孤允成收賊白貴等爲先驅已破建德刼池陽據此則建德爲王允成所破非屬左良玉之兵城亦非固守獲全矣傳聞異辭當以正史爲斷 是時良玉軍威正盛連營七十里號稱八十萬自十六年九月以後亦無爭戰之事縣舊志所稱兵潰誤
左軍之自武昌而下也以去年十二月二十四日至正月十六日啓行艤艫蔽江凡五晝夜九門堅壁居人登蛇山以望皆呼叫幸更生曰左兵過矣自漢陽以下降將叛兵皆竊左軍號左之守將王允成實爲亂首大軍未達小孤允成挾亂兵先驅破建德刼池陽舟師泊于三山荻港間聲言諸將寄帑南京請以親信三千人俱入于是文武操江陳師守禦江上士民遷徙商旅中斷 吳次尾年譜崇禎十六年事見樓山堂集

順治二年秋先生糾郡中義兒拳勇攻郡城不克同事者皆遁去

先生歸泥灣山中練兵厲士以計連復池州之建德東流等縣

事見

樓山堂集吳

次尾年譜

建德縣志

卷之八

武備
兵事

十一

按次尾名應箕貴池人是年六月明故僉都御史金忠節公聲起兵績溪次尾自池州起兵應之金公奉閩中正朔承制授次尾池州推官監紀軍事是年九月金忠節敗於績溪執至金陵不屈死次尾兵遂不振冬次尾被執亦不屈死彼時建德東流旋得旋失故明史未載次尾並諡忠節

國朝順治二年四月左夢庚引兵破建德知縣吳伯倫遁

按縣舊志載乙酉四月賊兵復自武昌蔽江而下初五日分賊破建德知縣吳伯倫逃時焚殺極慘官舍民居皆燼兵馬絡驛搜出剽掠者三月餘而府志云良玉以清君側爲名全軍東下初一日次蓮花洲初五日略地至建德破之按綏寇紀略云良玉以乙酉三月二十六日傳檄討馬世英自漢口達蘄州列舟二百餘里四月師次九江病卒諸將秘不發喪共推其子夢庚爲留後良玉歿七日夢庚引軍東下前鋒中軍大亂自彭澤以下連陷建德東流安慶諸郡邑又三藩紀事本末云乙酉四月初四日左良玉引兵由九江安慶至建德順流而下馬士英遣朱大典阮大鍼黃得功劉孔昭等禦之據二說則四月初五日左兵不應至建德府志且列其事於十七年皆誤

七月有千總率兵入城爲久駐計殘民駭竄時和碩英親王師駐

池州邑民赴郡懇之乃撤去

復有王擯子兵至邑大肆殺掠流毒四鄉較破城之日尤慘

按王擯子名之綱爲左良玉之將性殘忍好以人爲糧裸而懸之於牴以沸湯灌腸腑而後烹之百姓聞其名皆奪魄說見綏寇紀略

四年十二月鄱陽賊黑先鋒合童蘭兵三千犯建德堯城渡鎮將孫成良滿不賴率兵五千擊之斬獲無算會童蘭死黑先鋒亦爲援兵射殪城賴以全

江桓堯城渡殺賊歌

羣醜性陸梁宜在深山巔奚爲逼處此天驟而殲旃平明驅馬去崇朝驅馬旋纍纍繫人頭朱殷染馬韉道州誠粲粲撫此添矜憐思其致此繇毋乃刑賦愆敬同春陵作以答賊退篇從此停鑿吹時拂薰風絃

建德縣志

卷之八

武備
兵事

十二

新纂

康熙十三年浮梁賊突陷建德時參領巴漢從副都統碩塔穆森等征耿精忠師次安慶知縣喻成龍請兵巴漢率兵至赤頭關賊拒戰擊之潰大軍進攻賊開北門遞遂復建德城按舊志作十四年誤

是年八月逆藩耿精忠遣賊將犯徽州諸縣安慶提督王永譽督兵駐建德令副將傅爾學進剿

咸豐三年正月粵賊洪秀全自武昌東下掠民船幾盡帆檣蔽江正月十三陷東流十七日陷安慶二月十二日陷金陵建德近城百姓皆逃八月二十六日陷建德大肆淫掠旋去九月十六日賊

踞池州十月賊復至建德僞監軍官知縣事出示安民僅不焚殺而已

咸豐四年八月浙江嘉湖道徐榮率都司江長貴知縣王開貽等自祁門出櫟根嶺克復縣城九月賊由東流順河西岸進攻又由梅山過堯渡進攻皆被練兵擊退二十五日逆酋羅大剛率大隊攻破赤頭關縣城陷徐榮軍先還徽州團練委員嚴國佐知縣王開貽軍功黃仙鎬等死之賊兵恨民團練抵禦大肆焚殺兵民死數千官署倉獄皆燬自東門至西南門關廂南門嶺一帶民房廟宇堯城渡市塵燬去十之七八逾三日賊兵退有僞監軍官來縣

建德縣志

卷之八

武備
兵事

十三

出示安民編查戶口諭舉紳衿爲軍師旅帥衆皆避匿時賊兵過建德赴江西者不絕其由江西赴金陵者亦取道建德諭民供應芻米酒食民避匿山中賊復搜山擄掠民死亡幾半咸豐六年大旱賊兵據城數月不退民盡逃田荒賊亦艱於食乃愈掠愈遠毗鄰之東流彭澤浮梁祁門貴池石埭各山谷皆抄奪無遺

咸豐八年楊林保監生李濟元團練一鄉壯丁保衛村社五月駐守東流長江水師營官都司宋美富派官兵來攻縣城賊酋僞招天豫挈黨逃竄六月僞因天福復踞縣城有賊黨張白毛即張泰忠率賊兵四百屯葛源詣宋美富投誠貢生徐德宣約泰忠攻賊

立功以取信美富率礮船會剿敗賊堯渡街團弁李濟元出助八月賊退張溪鎮縣城復

十月十九日降將張泰忠團總李濟元徐德宣攻東流之張溪鎮敗績團丁死數百人或云將及千數時粵賊先伏近村各團丁奮勇過河隊伍散入民家覓食伏賊起團丁潰死者皆下鄉近城數十村及後河各保之人二十八日粵賊遂進撲赤頭關濟元擊退是日洋湖陂匪亦爲泰忠所敗十一月初十日粵匪韋志俊復大舉攻赤頭關李濟元等敗之回奔張溪鎮十二月十四日又敗賊於張溪鎮

建德縣志

卷之八

武備
兵事

十四

咸豐九年二月十二日張泰忠李濟元要粵賊於桃墅嶺箬嶺團總王思宜失約未依時至團丁陣亡數百人或云千餘人十三日黎痕戰又敗十四日縣城陷濟元赴彭澤乞總兵普承堯道員劉騰鶴率兵來援騰鶴先期至三月朔日以孤軍戰死雲峰口賊前騎近下隅坂承堯駐軍黃柏鋪慮下隅坂賊越抄溪嶺斷其後路不戰而潰退至鄱陽界旋駐彭澤

十一月十六日前廣東南韶連道吳坤修自江西進軍駐秧田坂會同候選道黎獻知府丁峻進剿團總李濟元助之賊屢挫正月二十四日攻復縣城先以李濟元守之

咸豐十年三月十六日普承堯始由東流下隅阪來防
十二月僞輔王楊輔青率僞定南主將黃汶金撲建德防營普承
堯兵潰而退初三日縣城復陷總督曾國藩令副將唐義訓沈寶
成朱聲隆等會剿破賊栗埠口又破賊堯渡鎮追抵南門賊啓東
門遯城復

咸豐十一年正月初九日鄱陽賊欲撲鮑超營三品京堂左宗棠
分兵援攻賊死喪無算餘賊竄至建德縣逆酋黃汶金再踞建德
縣城二十六日賊進屯秧田阪總兵鮑超率副將鄭陽和黃慶宋
國永逾抄溪嶺出黃柏鋪兜擊之李濟元亦從何家山出助斬馘
建德縣志
卷之八
武備
兵事
十五
千餘追至縣城下會同水師總兵宋美富收復縣城營官唐有餘
陣亡

四月十四日逆酋劉官方攻赤頭關官軍潰賊復踞縣城上竄至
鄱陽梘田街五月左宗棠移軍景德鎮賊聞即夜遯回左宗棠遣
兵追擊李濟元助之十六日城復逆首劉官方退走石埭

同治二年正月金陵賊十餘萬上竄江西自太平甯國池州各府
縣及東流彭澤湖口都昌等縣迤邐千餘里城鎮多失蹂躪不堪
二月建德縣城失守七月始退民死亡數萬賊酋黃汶金在江西
戰敗而東復擁衆十數萬回過建德縣遁回金陵提督江忠義窮

追賊不復返此後民始安堵

按自咸豐三年以後同治二年以前建民無日不遭兵燹屋宇樹木盡毀田地荒廢路少行人遍地荆棘民未死於兵者逃山谷中飢寒殍斃生者僅遺十之二三同治二年秋賊退民漸歸業復罹瘟疫猛獸之害蓋自唐末王仙芝以後凶災兵劫未有若斯之重且久也

十月侍老母重赴北源

張觀美

賊來聚如蟻賊去散如鴉朝夕風鶴驚人意亂如麻况以年老人愁病積衰軀時時抱戒心何恃備不虞我母告兒北源好山重嶺復絕飛鳥縱使深山有虎藏猛虎不如悍賊狂逢虎尙或命不殞逢賊人人攜殺盡吁嗟乎攜人殺人聲遍傳老弱聞之心憂煎此鄉地主多厚誼扶母暫安一夜眠

寒食次日倒流塢寓樓作

張觀美

春光寒食恩恩過春愁鎖日樓頭臥掩耳怕聞征馬聲紅雨飄零血淚墮過園去歲好花開杖扶鶴髮奉新醅花裏閒歌長短句吟情老去不教灰去春先君墳詞數闋甚多輿致傷心今日隴頭月子規夜夜啼殘血祭掃誰家麥飯香離城百里人蹤絕堅壁重重半載持惡氛熾處燃愁眉去秋闔邑捐餉團練收復縣城今二月賊至邑令沈棄城走鄉勇猶力戰不散全村焚擄全家

建德縣志

卷之八

武備
兵事

十六

死逃命誰憐路棄兒獨木支撐心力困家人離散無音問異地重逢訝再生千水千山盡蹂躪練總西江哭請兵李振萬赴溇請兵麥鋪雲屯大將營空傳一戰拳旗捷好勇無謀視敵輕可憐舊歲秋收缺輸將猶見民心悅今年麥隴又遭殃農家個個肝腸裂餓沿途淫雨愁縣官越境騁驕驢境內流亡誰撫恤只有丁官未入流丁典史金銘守城死

舟中書所見

張觀美

江南烽火愁雲結賣妻鬻女肝腸裂妻女抱持哭失聲悲風為起波濤驚壯婦身價錢五百幼女身價錢千文可憐小錢沙無光百錢不足三寸長買人更比買猪賤買者定價無商量婦女登舟面如土含淚無聲話難吐飢皮裹骨髮蓬頭偷生聊勝遭賊虜有時觸怒遭責詎有時輕生投洪波夫哭兒啼那得見一程一日遡關河我來一月泊池口每日婦舟過八九買者皆湖南麻陽船難婦多半是徽甯池太人時金陵尙未克復江南骨肉幾家存亂時人命不如狗吁嗟乎賣妻鬻女幾文錢到手難充半月餐太息蒼生淪浩劫依然白骨委

江干

憫兵亂詩

周馥

憶昔粵賊來東南沉半壁一年百竄從自分死鋒鏑賊至兵先逃殺掠等夷狄賊去兵復來瘡痍苦搜剔千里荒無人荆榛雜瓦礫初亂有人哭久亂聲寂寂哀哀十二年有

淚無處滴力弱未能庇傷哉我親戚 猝聞賊追來駭愕棄兒走逃死恨無路情急足
愈後檻樓叢棘中屏息獨掩口青天慘無光但聞賊叫吼連山煙蔽日十人死八九夜
半忍飢歸生菜烹瓦缶賊壘巨火明陰
風搜林藪五更復潛逃處處驚刁斗

同治三年六月十六日 欽差大臣兩江總督曾國藩督率統將

曾國荃等克復金陵

江北捻匪任柱張落刑李允等於同治七年六月十二日滅

捻匪苗沛霖於同治二年十月二十六日滅自此安徽全省肅清

江北捻苗二賊未擾江南幸早殄滅否則江南亦必波及因於
全省大局攸關故併記之

建德縣志

卷之八

武備
兵事

十七